

ACTA DA REUNIÓN ORDINARIA DA COMISIÓN INFORMATIVA DE TRANSPARENCIA, RÉXIME INTERNO E FACENDA DO DÍA 22 DE SETEMBRO DE 2023.

PRESIDENTE:

D. JESÚS VÁZQUEZ ALMUIÑA.

VOGAIS:

DONA MARÍA ISABEL COUSELO TORRES.
DONA MARTA FERNÁNDEZ-TAPIAS NÚÑEZ.
D. RAFAEL DOMÍNGUEZ ARTIME.
D. JORGE CUBELA LÓPEZ.
D. JOSÉ CARLOS LÓPEZ CAMPOS.
DONA MARÍA PILAR RAMALLO VÁZQUEZ.
D. MANUEL ALEJANDRO LORENZO ALONSO.
DONA MARÍA NAVA CASTRO DOMÍNGUEZ.
D. CARLOS LÓPEZ FONT.
D. CARLOS GÓMEZ PRADO.
DONA ANA LAURA IGLESIAS GÓNZÁLEZ.
DONA DIGNA ROSA RIVAS GÓMEZ.
D. GREGORIO LUIS AGÍS GÓMEZ.
D. JAVIER IGLESIAS MOUGÁN.
D. XOSÉ CESÁREO MOSQUERA LORENZO.
DONA MARÍA MANUELA RODRÍGUEZ PUMAR.

En Pontevedra, na sala de xuntas do Pazo Provincial, sendo as doce horas do día 22 de setembro de 2023 asisten, baixo a Presidencia de D. Jesús Vázquez Almuiña Presidente da Comisión Informativa de Transparencia, Réxime Interno e Facenda, as deputadas e deputados que ó marxe se sinalan, membros de dita Comisión, de acordo coa correspondente Orde do Día.

Asisten o Sr. Interventor, Don Antonio Graña Gómez e tamén o Sr. Secretario, D. Carlos Cuadrado Romay.

Actúa como Secretario, por delegación do Sr. Secretario Xeral, Don José Antonio Gulías Varela, Técnico de Xestión do Servizo de Contratación, Facenda

e Patrimonio.

Aberta a sesión, adoptáronse os seguintes acordos:

- 1. APROBACIÓN, SE PROCEDE, DA ACTA DA REUNIÓN EXTRAORDINARIA DA COMISIÓN INFORMATIVA DE TRANSPARENCIA, RÉXIME INTERNO E FACENDA DO DÍA 8 DE SETEMBRO DE 2023.**

Sometido a votación o asunto, apróbbase por unanimidade a acta da reunión extraordinaria da Comisión Informativa de Transparencia, Réxime Interno e Facenda do día 8 de setembro de 2023.

- 2. APROBACIÓN INICIAL DO EXPEDIENTE DE MODIFICACIÓN DO CADRO DE PERSOAL E DA RELACIÓN DE POSTOS DE TRABALLO DO EXERCICIO 2023. (EXPTES.- 2023059734 - 2023034449).**



O Presidente da Comisión somete a debate a proposta de acordo sobre a aprobación inicial do expediente de modificación do cadro de persoal e da relación de postos de traballo do exercicio 2023, asinada pola Xefa do Servizo de Recursos Humanos e Formación, con data 19 de setembro de 2023, cuxo contido é o seguinte:

“Resultando que por acordo adoptado no Pleno da Corporación Provincial, celebrado o 25/11/2022, aprobábase definitivamente o orzamento da Deputación Provincial de Pontevedra para o exercicio 2023, xunto co cadro de persoal e relacións de postos de traballo.

Resultando que en data 15/09/2023 o deputado delegado de persoal propón unha modificación do cadro de persoal e relación de postos de traballo co fin de introducir os seguintes cambios:

- Amortizar un posto de traballo de persoal laboral fixo de técnico/a auxiliar pasador retocador con xefatura de negociado, adscrito ao Servizo de Comunicación, que quedou vacante pola xubilación do titular.*
- Amortizar dúas prazas de persoal funcionario de oficial de infraestruturas e servizos do grupo C2, con posto de traballo adscrito ao Servizo de Infraestruturas e Vías Provinciais, que quedaron vacantes pola xubilación dos titulares.*
- Amortizar unha praza de persoal funcionario de técnico/a de admón. xeral do grupo A1, con posto de traballo de Adxunto/a ao Servizo de Asesoría Xurídica, nivel 27, que quedou vacante pola xubilación da titular.*
- Crear unha praza de axente de emprego e desenvolvemento local, do grupo A1, con posto de traballo de coordinador/a de servizos sociais, con nivel 27 de complemento de destino e adscrito ao Servizo de Cohesión Social e Xuventude, para que se encargue da coordinación, control e seguimento dos proxectos de servizos sociais, e a fin de facer efectivo o reingreso de funcionaria de carreira da Deputación de Pontevedra, que estaba en situación administrativa de servizos noutras Administracións Públicas e débesele asignar o tipo de praza á que pertence e un posto de traballo adecuado a súa área de actividade.*
- Crear unha praza de técnico/a en pre-impresión, do grupo C1, e posto de traballo de igual denominación, dotado co nivel 20 de complemento de destino e adscrito ao Servizo de Comunicación, con cargo á amortización do posto de laboral fixo e co fin de asignarlle as mesmas funcións, variando unicamente o vínculo xurídico.*
- Crear dúas prazas de condutor/a maquinista, do grupo C2, con posto de traballo de condutor, adscrito a Secretaría Xeral, unidade do Parque Móbil, con nivel 17 de complemento de destino e o factor dedicación dentro do complemento específico, co fin de reforzar os servizos do Gabinete de Presidencia e Vicepresidencias, así como os desprazamentos do persoal dos distintos centros da Deputación.*
- Crear dúas prazas de auxiliar técnico/a xurídico/a, do grupo C1, encadradas na Escala de Administración Especial, subescala servizos especiais, clase cometidos especiais, con posto de traballo de traballo de igual denominación, dotado do nivel*



20 de complemento de destino e adscrito ao Servizo de Asesoría Xurídica, debido ao incremento da actividade contenciosa nos últimos anos e o elevado número de expedientes en trámite, que requiren dunha maior dotación de persoal de apoio para a preparación e defensa dos asuntos que leva este Servizo.

Resultando que ao tratarse dunha modificación do cadro de persoal e relacións de postos de traballo convocouse a Mesa Xeral de Negociación para tratar este asunto, reunión que se celebrou o pasado 15 de setembro.

Resultando que o custo laboral total que deriva desta modificación recóllese na seguinte táboa:

AMORTIZACIÓNS

Praza/Posto de traballo	RX	Gr	CD	Retribucións 3 meses	Cota patronal 3 meses	Total
Técnico/a auxiliar pre-impresión	LF	C1	22	7.608,17	2.438,42	10.046,59
Oficial/a de infraestruturas e servizos	FC	C2	17	6.787,35	2.131,23	8.918,57
Oficial/a de infraestruturas e servizos	FC	C2	17	6.787,35	2.131,23	8.918,57
Técnico/a admón. xeral	FC	A1	27	11.057,95	2.897,18	13.955,13
TOTAL				32.240,82	9.598,06	41.838,86

CREACIÓNS

Prazas	RX	Gr	CD	Retribución 3 meses	Cota patronal 3 meses	Total
1 Técnico/a auxiliar pre-impresión	FC	C1	20	7.114,17	1.874,58	8.988,75
1 Conductor maquinista	FC	C2	17	7.702,93	2.029,72	9.732,66
1 Conductor maquinista	FC	C2	17	7.702,93	2.029,72	9.732,66
1 Axente de emprego e Desenvolvemento Local, posto	FC	A1	27	11.057,95	2.897,18	13.955,13



<i>coordinador/a servizos sociais</i>						
<i>1 Auxiliar técnico/a xurídico/a</i>	<i>FC</i>	<i>C1</i>	<i>20</i>	<i>7.114,17</i>	<i>1.863,91</i>	<i>8.978,08</i>
<i>1 Auxiliar técnico/a xurídico/a</i>	<i>FC</i>	<i>C1</i>	<i>20</i>	<i>7.114,17</i>	<i>1.863,91</i>	<i>8.978,08</i>
TOTAL				47.806,32	12.559,02	60.365,34

*Resultando que a diferenza resultante, que ascende a un total de **18.526,48 €**, non afecta ao montante total do orzamento provincial do ano 2023, ao existir prazas vacantes reservadas non ocupadas en todo o ano.*

Considerando que segundo o disposto no artigo 33.2 c) da Lei 7/85, de 2 de abril, Reguladora das Bases de Réxime Local (LRBRL), corresponde ó Pleno da Corporación Provincial a aprobación e modificación dos orzamentos, de acordo co previsto na Lei Reguladora de Facendas Locais.

Considerando que, así mesmo, os artigos 4.1 e 33.2 da LRBRL, artigo 70.3 do Real Decreto 2568/86, de 28 de novembro polo que se aproba o Regulamento de Organización e Funcionamento das Entidades Locais, e artigo 126.3 do Real Decreto Lexislativo 781/86, de 18 de abril, pola que se aproba o Texto refundido das Disposicións Legais vixentes en materia de Réxime Local (TRRL), atribúen ó Pleno da Corporación Provincial a organización da Deputación, así como a aprobación do cadro de persoal e relación de postos de traballo a través do orzamento provincial.

Considerando que a modificación do cadro de persoal e relación de postos de traballo de persoal funcionario que se propón fundamentase na potestade de autoorganización da Corporación Provincial, recoñecida nos citados artigos, así como na adaptación da estrutura de persoal ás necesidades dos servizos, ademais de garantir o reingreso dunha persoa funcionaria, que estaba en situación de servizos noutras Administracións Públicas, con efectos económicos e administrativos dende que o solicitou, ó amparo do artigo 84 do Real decreto lexislativo 2/2015, de 1 de outubro, polo que se aproba o texto refundido da lei do estatuto básico do empregado público, relativo á mobilidade voluntaria entre Administracións Públicas.

Considerando que conforme ó previsto no artigo 126.3 do TRRL a modificación do cadro de persoal durante a vixencia do orzamento requirirá o cumprimento dos trámites establecidos para a modificación de aquel.

Considerando que neste sentido, o artigo 168 do Real decreto lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, precisa que a aprobación do cadro de persoal e relación de postos de traballo



seguirá os mesmos trámites que a aprobación do orzamento, os cales se describen neste mesmo artigo e seguintes, 169 e 170, o que require aprobación inicial, exposición ao público por período de 15 días hábiles a efectos de reclamacións, e aprobación definitiva. Non obstante, a efectos de reclamacións deberá terse en conta que o artigo 202 da Lei 2/2015, do 29 de abril, pola que se aproba a Lei do emprego público de Galicia, fixa un prazo de información pública non inferior a vinte días. Transcorrido devandito prazo, a aprobación elevarase a definitiva se non se formulasen reclamacións, suxestións ou alegacións. En caso contrario, a modificación da relación de postos de traballo deberá ser obxecto de aprobación definitiva, previa resolución das reclamacións, suxestións ou alegacións presentadas. Unha vez aprobada definitivamente, remitirase copia aos órganos competentes da Administración xeral do Estado e da Administración xeral da Comunidade Autónoma de Galicia dentro do prazo de trinta días, e será publicada integramente no boletín oficial da provincia.

*Á vista do exposto, considerando os informes RRHH e Secretaría así como de Intervención, o Pleno, de conformidade co ditame da Comisión Informativa de Transparencia, Réxime Interno e Facenda, **ACORDA:***

Primeiro: Modificar o cadro de persoal e relacións de postos de traballo da Deputación Provincial de Pontevedra, co obxecto de introducir os seguintes cambios:

- 1. A amortización dun posto de traballo de persoal laboral fixo de técnico/a auxiliar pasador retocador con xefatura de negociado, do grupo C1, adscrito ao Servizo de Comunicación, vacante pola xubilación do titular.*
- 2. A amortización de dúas prazas de persoal funcionario de oficial/a de infraestruturas e servizos do grupo C2, con posto de traballo adscrito ao Servizo de Infraestruturas e Vías Provinciais do nivel 17 de complemento de destino, vacantes pola xubilación dos titulares.*
- 3. A amortización dunha praza de persoal funcionario de técnico/a de admón. xeral do grupo A1, con posto de traballo de adxunto/a ao Servizo de Asesoría Xurídica, nivel 27, vacante pola xubilación da titular*
- 4. A creación dunha praza de axente de emprego e desenvolvemento local, do grupo A1, encadrada na escala de administración especial, subescala técnica, clase superior, con posto de traballo de coordinador/a de servizos sociais, co nivel 27 de complemento de destino e adscrito ao Servizo de Cohesión Social e Xuventude, para que se encargue da coordinación, control e seguimento dos proxectos de servizos sociais e a fin de facer efectivo o reingreso dunha funcionaria de carreira da Deputación Provincial de Pontevedra, que estaba en situación administrativa de servizos noutras Administracións Públicas, na praza á que pertence e nun posto de traballo adecuado a súa área de actividade.*



5. *A creación dunha praza de técnico/a en pre-impresión, do grupo C1, encadrada na escala de administración especial, subescala técnica, clase auxiliar e posto de traballo de igual denominación, dotado co nivel 20 de complemento de destino e adscrito ao Servizo de Comunicación, con cargo á amortización do posto de laboral fixo e co fin de asignarlle as mesmas funcións, variando unicamente o vínculo xurídico.*
6. *A creación de dúas prazas de condutor/a maquinista, do grupo C2, encadradas na escala de administración especial, subescala servizos especiais, clase persoal de oficios, con posto de traballo de condutor/a, co nivel 17 de complemento de destino e o factor dedicación dentro do complemento específico, adscritos a Secretaria Xeral, Unidade do Parque Móbil, co fin de reforzar os servizos do Gabinete de Presidencia e Vicepresidencias, así como os desprazamentos do persoal dos distintos centros.*
7. *A creación de dúas prazas de auxiliar técnico/a xurídico/a, do grupo C1, encadradas na escala de administración especial, subescala servizos especiais, clase cometidos especiais, con posto de traballo de igual denominación, co nivel 20 de complemento de destino, adscritos ao Servizo de Asesoría Xurídica, debido ao incremento da actividade contencioso administrativa dos últimos anos, que require de persoal de apoio para a preparación e defensa dos asuntos que leva este Servizo.*

Segundo: Este expediente de modificación do cadro de persoal e da relación de postos de traballo de persoal da Deputación Provincial de Pontevedra, de conformidade co artigo 202 da Lei 2/2015, de 29 de abril, do emprego público de Galicia, exporase ó público para os efectos de reclamacións, por un período de vinte días hábiles, contados desde o día seguinte ao da publicación dun anuncio no Boletín Oficial da Provincia de Pontevedra (BOPPO).

As reclamacións, reparos ou observacións que se presenten serán estudadas, no seu caso, polos servizos técnicos da Deputación de Pontevedra e posteriormente pola Comisión informativa de Transparencia, Réxime Interno e Facenda que formulará ao Pleno a proposta de aprobación definitiva deste expediente.

Terceiro: Este acordo de aprobación inicial do expediente de modificación do cadro de persoal e da relación de postos de traballo do exercicio 2023, entenderase definitivamente aprobado no caso de que no prazo de exposición pública non se formularsen reclamacións contra o mesmo”.

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo asinada pola Xefa do



Servizo de Recursos Humanos e Formación, con data 19 de setembro de 2023, obtendo o seguinte resultado:

1. **Votos a favor: (9)**, do grupo provincial do Partido Popular,
2. **Votos en contra: (6)**, do grupo provincial do PSG-PSOE.
3. **Abstencións: (2)**, do grupo provincial do BNG.

A Comisión Informativa de Transparencia, Réxime Interno e Facenda ditamina favorablemente a proposta de acordo relativa á aprobación inicial do expediente de modificación do cadro de persoal e da relación de postos de traballo do exercicio 2023, cos votos a favor das Deputadas e Deputados do grupo provincial do Partido Popular, con votos en contra das Deputadas e Deputados do grupo provincial do Partido Popular e coa abstención das Deputadas e Deputados do grupo provincial do BNG.

3. DAR CONTA DO INFORME DA INTERVENCIÓN SOBRE O PERÍODO MEDIO DE PAGO A PROVEEDORES CORRESPONDENTE Ó MES DE AGOSTO DE 2023. (EXPTES.- 2023059736 - 2023058722).

A Intervención elaborou un informe do período medio de pago a provedores da Deputación de Pontevedra, da Escola Universitaria de Enfermería, do Consorcio Provincial Contraincendios e Salvamento e Consorcio Contraincendios do Deza e Tabeirós-Terra de Montes, correspondente ó mes de agosto de 2023, asinado conxuntamente polo Interventor e polo Xefe do Servizo de Contabilidade e Auditoría, con data 12 de setembro de 2023, onde deixan constancia do seguinte:

A Lei Orgánica 2/2012, de 27 de abril, introduce o concepto de período medio de pago como expresión do tempo de pago ou retraso no pago da débeda comercial, de xeito que todas as Administracións Públicas, nun novo exercicio de transparencia, deberán facer público o seu período medio de pago que deberán calcular de acordo cunha metodoloxía común establecido no Real Decreto 635/2014 de 25 de xullo polo que se desenvolve a metodoloxía de cálculo do período medio de pago a provedores das Administracións Públicas

O período medio de pago mide o retraso no pago da débeda comercial en termos económicos, como indicador distinto respecto do período legal de pago establecido na Lei 9/2017, de 8 de novembro, de Contratos do Sector Público e na Lei 3/2004, de 29 de decembro, pola que se establecen medidas de loita contra a morosidade nas operacións comerciais.



O artigo 6 do Real Decreto 635/2014 de 25 de xullo, en relación á publicidade do período medio de pago a provedores establece que as comunidades autónomas e as corporacións locais remitirán ó Ministerio de Facenda e Administracións Públicas e publicarán periodicamente, de acordo co que se prevea na Orde HAP/2105/2012, de 1 de outubro, pola que se desenvolven as obrigas de subministro de información previstas na Lei Orgánica 2/2012, de 27 de abril, a información relativa ó seu período medio de pago a provedores referido, segundo corresponda, ao mes ou ao trimestre anterior:

Á vista deste precepto legal o servizo de Intervención elaborou o informe do período medio de pago a provedores da Deputación de Pontevedra e as entidades locais Escola Universitaria de Enfermería, Consorcio Provincial Contraincendios e Salvamento e Consorcio do Deza Tabeirós correspondente ao mes de agosto de 2023 que se expón a continuación:

PERÍODO MEDIO DE PAGO A PROVEDORES AGOSTO 2023

Entidade	Mes	Ratio Operacións Pagadas	Importe Pagos Realizados	Ratio Operacións Pendentes	Importe Pagos Pendentes	Período Medio de Pago
Deputación de Pontevedra	Agosto	8,1855703979	5.145.649,15	3,8573925149	791.368,98	7,6086501929
Escola de Enfermería	Agosto	21,1339542372	8.422,13	0,0000000000	0,00	21,1339542372
Consorcio de Incendios e Salvamento	Agosto	16,9455153138	74.264,17	0,0206900127	3.857,90	16,1097171388
Consorcio Deza Tabeiros	Agosto	12,8515829000	12.973,03	3,8699216300	2.356,81	11,4707420629
TOTAL			5.241.308,48		797.583,69	7,7472911957

En base aos cálculos detallados neste informe ponse de manifesto que **se cumpre** co período medio de pago legalmente previsto.



A Comisión informativa de Transparencia, Réxime Interno e Facenda queda enterada do contido do **informe do período medio de pago a provedores correspondente ó mes de agosto de 2023 da Deputación Provincial de Pontevedra, da Escola Universitaria de Enfermería, do Consorcio Provincial Contraincendios e Salvamento e Consorcio Contraincendios Deza e Tabeiros-Terra de Montes**, en relación ó disposto na Lei Orgánica 2/2012, de 27 de abril de Estabilidade Orzamentaria e Sostibilidade financeira e no Real Decreto 635/2014 de 25 de xullo polo que se desenvolve a metodoloxía de cálculo do período medio de pago a provedores das Administracións Públicas.

4. DAR CONTA DE INFORME DA UNIDADE RESPONSABLE DE TRANSPARENCIA EN MATERIA DE ACCESO A EXPEDIENTES DE ÍNDOLE TRIBUTARIA. (EXPTE.- 2023048797).

A Unidade Responsable de Transparencia da Deputación de Pontevedra, de acordo co disposto na Resolución Presidencial de 27/10/2020, con número 2020003377, publicada no Boletín Oficial da Provincial de Pontevedra (BOPPO) o 30 outubro de 2020, pola que se crea a Unidade Responsable de Transparencia, emite con data 17 de agosto de 2023 un informe solicitado pola directora do Órgano de Xestión Tributaria e Recadación de Recursos Locais (ORAL), no que figuran como antecedentes os seguintes feitos.

En data 7 de novembro de 2021 recibíuse a través do rexistro electrónico, unha solicitude de acceso a información pública en relación a expedientes de índole tributaria.

Os expedientes sobre os que se solicitaban datos refírense a autoliquidacións de taxas de licenzas urbanísticas e imposto sobre Construcións, Instalacións e Obras, atopándose todos eles finalizados.

Con data, 8 de febreiro de 2022 o interesado presentou recurso de reposición contra a desestimación presunta da solicitude presentada o 7 de novembro de 2021.

A Tesourería da Deputación de Pontevedra o día 5 de novembro de 2022 ditou resolución denegando o acceso á información solicitada por canto a persoa solicitante non ten a consideración de obrigado tributario nos procedementos tributarios sobre os que solicita información.

Con data 19 de novembro de 2022 o interesado presenta recurso de reposición contra a resolución citada, reiterando a solicitude de acceso aos expedientes referenciados no escrito de data 7 de novembro de 2021.

O día 16 de marzo de 2023 recíbese na Deputación de Pontevedra notificación dando traslado da admisión a trámite da queixa presentada polo interesado ante o “*Defensor del Pueblo*” e solicitando información sobre o expediente tramitado, copia das contestacións expresas que se lle enviaron, así como informe das razóns polas que non se tramitou e porque non se lle respodeu a solicitude.



O día 24 de marzo de 2023 a Tesourería provincial resolveu denegar o acceso á información solicitada por canto a persoa solicitante non ten a consideración de obrigado tributario nos procedementos tributarios sobre os que solicita información.

A Directora de Xestión dos servizos do ORAL con data 4 de abril de 2023 emite informe en contestación ao requirimento do “Defensor del Pueblo”, no que se determina ao non ter a persoa solicitante a consideración de obrigado tributario nos procedementos tributarios sobre os que solicita información non estaría acreditado o acceso aos mesmos dadas as previsións sobre o carácter reservado dos datos tributarios previstas nos artigos 34 e 95 da Lei 58/2003, de 17 de decembro, xeral tributaria (LGT).

O día 19 de maio de 2023 tivo entrada na Deputación de Pontevedra escrito de conclusións do “Defensor del Pueblo” e suxerencia indicando “*que se proporcione ao interesado a información solicitada previa disociación daqueles datos que deben ser obxecto de protección de acordo coa normativa aplicable*”.

O día 28 de xuño de 2023 a Directora de Xestión dos servizos do ORAL envía contestación ao “Defensor del Pueblo” en relación ao citado escrito de conclusións reiterando o criterio seguido na resolución denegatoria do acceso.

Con data 07/07/2023 rexístrase a entrada dun novo escrito do “Defensor del Pueblo” informando que debido a que esta Deputación de Pontevedra mantén un criterio diferente ao suxerido por esa institución, de conformidade coa normativa reguladora aplicable a este asunto será incluído no informe anual ás Cortes Xerais dando por finalizadas as actuacións.

O día 14 de xullo de 2023 a Unidade Responsable de Transparencia recibe unha solicitude de informe da Directora do ORAL, en relación á procedencia ou non de acceso á información solicitada.

A Unidade Responsable de Transparencia da Deputación de Pontevedra, emite con data 17 de agosto de 2023 o informe solicitado e tras analizar os antecedentes e fundamentos xurídicos que figuran no mesmo termina coas seguintes conclusións.

“Con fundamento nas consideracións xurídicas recollidas no presente informe, e salvo mellor criterio xurídico, esta Unidade Responsable de Transparencia determina que:

- *Iniciése o trámite de audiencia previsto no artigo 19.3 da LTAIBG para que no prazo de 15 días os titulares de dereitos ou intereses afectados realicen as alegacións oportunas respecto ao acceso solicitado por D., informando, a este último, desta circunstancia, así como da suspensión do prazo para dítar resolución ata que se reciban as alegacións ou transcorrese o prazo para a súa presentación.*
- *Que unha vez finalizado o citado prazo sen alegacións ou recibidas estas, o órgano competente en materia de Transparencia desta Deputación dítará resolución de acordo co esixido na LTAIBG, a proposta da Unidade de Transparencia e da*



Dirección de Xestión dos servizos do ORAL, tendo en conta a xurisprudencia exposta nos fundamentos xurídicos do presente informe.

A Comisión informativa de Transparencia, Réxime Interno e Facenda queda enterada do contido do **informe de data 17 de agosto de 2023 emitido pola Unidade Responsable de Transparencia da Deputación de Pontevedra en materia acceso a expedientes de índole tributaria, que figura no expediente CIVIDAS número 2023048797 co CSV**

FÓRA DA ORDE DO DÍA, e previa declaración da urxencia, por unanimidade, con votos a favor das Deputadas e Deputados dos grupos provinciais do Partido Popular, do PSG-PSOE e do BNG, tratouse o seguinte asunto:

ASUNTO:

APROBACIÓN INICIAL DO EXPEDIENTE DE MODIFICACIÓN DE CRÉDITOS NÚMERO 6/2023. (EXPTES.- 20230060478 - 2023059667).

O Presidente da Comisión explica que este expediente tramitase de forma excepcional coa finalidade de que o concello de Arbo poida afrontar o cofinanzamento por importe de 28.283,45 € do proxecto da actuación “Reparación da rede de pluviais danada a causa do incendio forestal acaecido o día 30 de xullo de 2022 no entorno do parque empresarial de Arbo”.

O Presidente dalle a palabra o Sr. Interventor que explica os detalles máis significativos do expediente de modificación de créditos número 6/2023 resaltando que se propón o outorgamento dunha subvención nominativa con consignación orzamentaria por importe de 28.283,45 € e para dar cumprimento o principio de igualdade e non discriminación o importe da subvención concedida se lle detraerá ao concello de Arbo da cantidade que lle poida corresponder no futuro Plan de Obras e Servizos Municipais para o exercicio 2024. A urxencia do investimento e co fin de facilitar ao Concello de Arbo o cumprimento da finalidade proposta, debido a falta de recursos económicos suficientes para afrontar o cofinanciamento da citada actuación.

O Interventor tamén comenta que o expediente contén créditos extraordinarios por importe de 28.283, 45 euros e cumpre cos requisitos previstos na normativa, tanto en relación cos gastos que se pretenden financiar como en relación cos recursos que os financian, utilizando aforro propio procedente de exercicios anteriores, é dicir remanente líquido de tesourería para gastos xerais dispoñible.



À continuación o Presidente da Comisión somete a debate a proposta de acordo sobre a aprobación inicial do expediente de modificación de créditos número 6/2023, asinada con data 21 de setembro de 2023 polo Xefe do Servizo de Orzamentos, Plans e Organismos e polo Deputado delegado da área de servizos de Xestión Tributaria, Patrimonio e Formación, cuxo contido é o seguinte:

“O Deputado delegado de Xestión Tributaria, Patrimonio e Formación, en virtude das delegacións acordadas na Resolución Presidencial nº 2023006130, de data 02 de agosto de 2023, propón ó Pleno a aprobación do expediente de modificación de crédito número 06/2023. Este expediente inclúe créditos extraordinarios (EXT.06/23), por importe de 28.283,45 euros.

Resultando que a tramitación deste expediente está motivado pola necesidade de realizar gastos que non poden demorarse ata o exercicio seguinte por non existir consignación suficiente no estado de gastos do orzamento corrente, financiándose na súa totalidade con Remanente Líquido de Tesourería para Gastos Xerais dispoñible.

Resultando que a Intervención emite informe de data 21 de setembro de 2023, no que indica que o expediente cumpre cos requisitos previstos na normativa de aplicación, tanto en relación cos gastos que se pretenden financiar como cos recursos que os financian, e que a súa tramitación respecta o equilibrio orzamentario.

Considerando o disposto nos artigos 177, 179 e 180 do Real Decreto Lexislativo 2/2004, de 5 de marzo, polo que se aproba o Texto refundido da Lei reguladora das Facendas Locais; nos artigos 34 a 38 e 40 a 42 do Real Decreto 500/1990, de 20 de abril, nos artigos 2,3,11,27 e demais concordantes da Lei Orgánica 2/2012, de 27 de abril de Estabilidade Orzamentaria e sustentabilidade financeira, e nas bases de execución do orzamento, en canto a competencia e tramitación a seguir para a aprobación do expediente de modificación de crédito número 06/2023.

O Pleno, de conformidade co ditame favorable da Comisión de Transparencia, Réxime Interno e Facenda, acorda:

Primeiro: Aprobar o expediente de modificación de crédito número 06/2023 da Deputación de Pontevedra. Este expediente inclúe créditos extraordinarios (EXT.06/23) por importe de 28.283,45 euros. O detalle do expediente e o seu financiamento é o seguinte:

1. *Créditos Extraordinarios “EXT. 06/23”:*

APLICACIÓN	DENOMINACIÓN	IMPORTE
------------	--------------	---------



942-9420-762,06	A CONCELLOS_ ARBO, PARA INVESTIMENTOS _ COOPERACIÓN (Subvención Nominativa para afrontar o cofinanzamento do Concello ao investimento: "Reparación da rede de pluviais danada a causa do incendio forestal acaecido o día 30 de xullo de 2022 no entorno do parque empresarial de Arbo")	28.283,45 €
	SUMA...	28.283,45 €

Financiamento do expediente de Créditos Extraordinarios 06/23:

O expediente de créditos extraordinarios, fóncianse na súa totalidade con aforro propio procedente de exercicios anteriores, é dicir Remanente Líquido de Tesourería para Gastos Xerais dispoñible.

Contabilizándose as seguintes operacións:

CONCEPTO DE INGRESO	DENOMINACIÓN	IMPORTE
931-870,01	Remanente de Tesourería - Aplicado para financiar Créditos Extraordinarios...	28.283,45 €
	Total ingresos...	28.283,45 €

Resumo do expediente:

TOTAL CRÉDITOS EXTRAORDINARIOS...	28.283,45 €
SUMA...	28.283,45 €

O Resumo das modificacións por capítulos son as seguintes:

ORZAMENTO DE INGRESOS

Capítulo 1º Impostos directos.	0,00 €
Capítulo 2º Impostos indirectos.	0,00 €
Capítulo 3º Taxas e outros ingresos.	0,00 €
Capítulo 4º Transferencias correntes.	0,00 €
Capítulo 5º Ingresos patrimoniais.	0,00 €
Capítulo 6º Alleamento de investimentos reais.	0,00 €
Capítulo 7º Transferinas de capital.	0,00 €
INGRESOS NON FINANCEIROS...	0,00 €
Capítulo 8º Activos financeiros.	28.283,45 €
Capítulo 9º Pasivos financeiros.	0,00 €
INGRESOS FINANCEIROS...	28.283,45 €
TOTAL VARIACIÓN POR CAPÍTULO...	28.283,45 €

ORZAMENTO DE GASTOS.

Capítulo 1º Gastos de persoal.	0,00 €
Capítulo 2º Gastos en bens correntes e servizos.	0,00 €
Capítulo 3º Gastos financeiros.	0,00 €
Capítulo 4º Transferencias correntes.	0,00 €



Capítulo 6º Invetimentos reais.	0,00 €
Capítulo 7º Transferinas de capital.	28.283,45 €
GASTOS NON FINANCEIROS...	28.283,45 €
Capítulo 8º Activos financeiros.	0,00 €
Capítulo 9º Pasivos financeiros.	0,00 €
GASTOS FINANCEIROS...	0,00 €
TOTAL VARIACIÓNS POR CAPÍTULOS...	28.283,45 €

Este expediente tramitase de forma excepcional coa finalidade de que o concello de Arbo poida afrontar o cofinanzamento do proxecto sinalado, para o cal, a Secretaría de Estado de Política Territorial mediante resolución de 16 de xuño de 2023, acorda a asignación das subvencións por danos en infraestruturas municipais e rede viaria provincial e insular, previstas no acordo do Consello de Ministros de 23 de agosto de 2022, no que se declara zona gravemente afectada por unha emerxencia de protección civil o territorio afectado como consecuencia de incendios forestais acontecidos durante os meses de xuño, xullo e agosto de 2022; ao concello de Arbo se lle outorgaron 28.283,44 €, sobre un orzamento de 56.566,89 € co obxecto do financiamento da actuación “Reparación da rede de pluviais danada a causa do incendio forestal acaecido o día 30 de xullo de 2022 no entorno do parque empresarial de Arbo”, debendo, polo tanto, financiar a entidade municipal 28.283,45 €.

Dada a urxencia do investimento e co fin de facilitar ao concello o cumprimento da finalidade proposta, debido a falta de recursos económicos suficientes para afrontar o cofinanciamento, a Deputación propón o outorgamento dunha subvención nominativa con consignación orzamentaria. Mais, o importe da subvención concedida se lle detraerá ao concello de Arbo da cantidade que lle poida corresponder no futuro Plan de Obras e Servicios Municipais para o exercicio 2024.

2. *Modificación do Anexo II das bases de execución, modificando e engadindo como subvencións nominativas, as seguintes:*

942- COOPERACIÓN			
APLICACIÓN/CIF	BENEFICIARIO/ FINALIDADE	CRÉDITO FINAL	Obxecto e finalidade
23/942-9420-762,06	A CONCELLOS_ ARBO, PARA INVESTIMENTOS_ COOPERACIÓN	28.283,45 €	SUBVENCIÓN NOMINATIVA
P3600100F	CONCELLO DE ARBO	28.283,45 €	Reparación da rede de pluviais danada a causa do incendio forestal acaecido o día 30 de xullo de 2022 no entorno do parque empresarial de Arbo



Segundo: Este expediente de modificación de créditos número 06/2023 que inclúe créditos extraordinarios (EXT.06/23), por importe de 28.283,45 euros, exporase ao público para os efectos de reclamacións, por un período de quince días hábiles, contados dende o día seguinte ao da publicación do anuncio no Boletín Oficial da Provincia de Pontevedra (BOPPO).

As reclamacións, reparos ou observacións que se presenten serán estudados, no seu caso, polos servizos técnicos da Deputación de Pontevedra e posteriormente pola Comisión informativa de Transparencia, Réxime Interno e Facenda, que formulará ao Pleno a proposta de aprobación definitiva deste expediente.

Este acordo de aprobación inicial do expediente de modificación de créditos número 06/2023, entenderase definitivamente aprobado no caso de que no prazo de exposición pública non se formulasen reclamacións contra o mesmo.

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo asinada con data 21 de setembro de 2023 polo Xefe do Servizo de Orzamentos, Plans e Organismos e polo Deputado delegado da área de servizos de Xestión Tributaria, Patrimonio e Formación.

O voceiro do grupo provincial do PSG-PSOE, D. Carlos López Font, comenta que as Deputadas e Deputados do seu grupo vanse abster debido a que non tiveron tempo suficiente para analizar en profundidade o contido do expediente ao ser incorporado fóra da orde do día dos asuntos desta comisión informativa.

O resultado da votación foi o seguinte:

- 1. Votos a favor: (9)**, do grupo provincial do Partido Popular,
- 2. Votos en contra: (0)**, ningún.
- 3. Abstencións: (8)**, sendo seis (6) do grupo provincial do PSG-PSOE, e dous (2) do grupo provincial do BNG.

A Comisión Informativa de Transparencia, Réxime Interno e Facenda ditamina favorablemente a proposta de acordo relativa á aprobación inicial do expediente de modificación de créditos número 6/2023, cos votos a favor das Deputadas e Deputados



dos grupos provinciais do Partido Popular e coas abstencións das Deputadas e Deputados dos grupos provinciais do PSG-PSOE e do BNG.

FÓRA DA ORDE DO DÍA, e previa declaración da urxencia, por maioría de votos a favor das Deputadas e Deputados do grupo provincial do Partido Popular e cos votos en contra das Deputadas e Deputados dos grupos provinciais do PSG-PSOE e do BNG, tratouse o seguinte asunto:

ASUNTO:

MOCIÓN DO GRUPO PROVINCIAL DO PARTIDO POPULAR CONTRA A TRAMITACIÓN DUNHA LEI DE AMNISTÍA (EXPTE.-2023060562).

O voceiro do grupo provincial do Partido Popular, D. Jorge Cubela López, presentou o día 21 de setembro de 2023 co número de rexistro WEB 2023054455 unha moción contra a tramitación dunha Lei de Amnistía, cuxo contido é o seguinte:

“MOCIÓN CONTRA A TRAMITACIÓN DUNHA LEI DE AMNISTÍA que presenta o grupo popular na Deputación de Pontevedra, conforme ao previsto no Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, para elevar ao Pleno a Proposta de acordo/Moción que trae a súa causa na seguinte:

EXPOSICIÓN DE MOTIVOS

O 15 de outubro de 1977 o Congreso dos Deputados aprobou a Lei de Amnistía que seguiu o principio de reconciliación nacional que guiou a nosa Transición á democracia. A amnistía era unha demanda social e unha necesaria e imprescindible impugnación do ordenamento xurídico da ditadura. Foi un dos instrumentos cos que se puxo punto final á represión que sufriu unha parte da sociedade española e un dos grandes acordos que consolidaron o noso camiño á democracia.

Durante a tramitación da Constitución de 1978 debateuse a cuestión da amnistía, xa que se presentaron dúas emendas para que as Cortes Xerais puidesen ter esa competencia. As emendas foron rexeitadas e, pola contra, aprobouse o artigo 62 que prohibe indultos xerais. É dicir, o perdón -que si existe no noso ordenamento e que está regulado na Lei do Indulto-, debe ser sempre individualizado e nunca con carácter xeral.

Nunha democracia europea consolidada, como é a española de 2023, unha amnistía, ademais, atenta contra algúns dos principios básicos do Estado de Dereito como son a



exclusividade do poder xudicial para xulgar e facer executar o xulgado, a igualdade na aplicación da lei e a seguridade xurídica. Nin o lexislador nin o poder executivo poden arrogarse a facultade de declarar inmune a un grupo de persoas, borrar os seus delitos e mesmo evitar que sexan xulgados como calquera outro cidadán. Todo iso ademais mentres que tanto o Tribunal de Xustiza da UE como o Tribunal Europeo de Dereitos Humanos teñen pendente resolucións referidas á cuestión, sobre a que se expón a posible amnistía e que afectan a España.

En 2017 produciuse un intento de insurrección por parte dos poderes públicos de Cataluña contra a orde Constitucional. A reacción do Estado de Dereito foi a aplicación do artigo 155 da Constitución e a posta en marcha dos instrumentos penais contra os seus impulsores.

O Tribunal Supremo condenou aos seus principais líderes a penas de entre 9 e 13 anos por sedición e malversación. Algúns dos seus principais responsables fuxiron ao estranxeiro. Desde entón tratan de evitar a acción dos Tribunais españois e europeos. Non foi o único que o fixo. O pasado 5 de setembro Puigdemont condicionou a gobernabilidade de España a, entre outras cuestións, a aprobación dunha Lei de Amnistía que favoreza, entre outros, aos procesados polo referendo ilegal de 2017, en ocasións por feitos dunha violencia extrema.

Non é a primeira vez que se expón esta cuestión. Xa en 2021 rexistrouse unha iniciativa destas características no Congreso e os Letrados emitiron un informe contundente contrario á súa tramitación. Ademais, tanto Pedro Sánchez como ministros do seu Goberno, Juan Carlos Campo, Fernando Grande Marlaska e Carmen Calvo, entre outros moitos dirixentes socialistas, afirmaron no pasado a inconstitucionalidade dunha posible amnistía.

Os feitos xurídicos seguen igual, pero cambiaron as circunstancias políticas. Pedro Sánchez, nun intento desesperado por conservar a Presidencia do Goberno, abriuse a que se poida tramitar unha Proposición de Lei. Ademais de supoñer unha inconstitucionalidade flagrante, de novo preténdese utilizar un atallo para evitar os controis de legalidade do CGPJ, a Fiscalía e o Consello de Estado.

O prezo da presidencia non sería só exculpar centenaes de delitos senón deslexitimar o Estado de Dereito e branquear e considerar a lexitimidade da sedición que levou a cabo. En definitiva, un inasumible prezo político para calquera gobernante decente e que a falta de rexeitamento explícito e contundente por parte do Goberno está a causar unha profunda conmoción social.

Por todo iso, o Grupo Popular provincial presenta a seguinte:

PROPOSTA DE ACORDOS

- 1. Rexeitar calquera tipo de amnistía ou indulto xeneralizado para calquera grupo de cidadáns, calquera que sexa o seu delito.**



2. *Considerar que o imperio da lei é a expresión da vontade popular, tal e como establece o preámbulo da Constitución, e compromete a todos os poderes para o seu cumprimento.*
3. *Animar aos dous partidos maioritarios a buscar acordos de Estado que eviten que a sociedade española véxase sometida ás condicións ilegais de partidos independentistas.*
4. *Dar traslado destes acordos a Presidencia do Goberno, á Vicepresidencia primeira e ministerio de Asuntos Económicos e Transformación Dixital, á Vicepresidencia segunda e ministerio de Traballo e Economía Social, ao ministerio de Política Territorial, e aos portavoces parlamentarios no Congreso e o Senado; e tamén á Xunta de Goberno da FEMP.*

O Presidente da Comisión, D. Jesús Vázquez Almuíña informa as Deputadas e Deputados que forman parte da Comisión Informativa de Transparencia, Réxime Interno e Facenda, sobre os aspectos máis significativos da moción do grupo provincial do Partido Popular contra a tramitación dunha Lei de Amnistía centrándose no contido das propostas de acordos que figuran no texto da moción para a súa aprobación polo Pleno da Deputación de Pontevedra.

O Portavoz do grupo provincial do PSG-PSOE, D. Carlos López Font comenta que esta moción foi presentada en varios concellos da provincia de Pontevedra para o seu debate con suficiente antelación e que na Deputación de Pontevedra preséntase a ditame desta comisión informativa fóra da orde do día, motivo polo que o voto do grupo socialista foi en contra na declaración da urxencia e tamén anuncia a votación en contra do seu grupo en relación ao contido de propostas de acordo ao Pleno que figuran nesta moción contra a tramitación dunha Lei de Amnistía.

O Portavoz do grupo provincial do BNG, D. Xosé Cesáreo Mosquera Lorenzo efectúa varias consideracións en relación ao feito de presentar a moción para o seu debate fóra da orde do día e pon en dúbida que se lle garanta que se o seu grupo presentase unha moción con data posterior á convocatoria da reunión da comisión informativa, a votación da urxencia para a aceptación do seu debate na reunión da comisión informativa fose apoiada polas Deputadas e Deputados do grupo provincial do Partido Popular.

Sometida a votación a moción do grupo provincial do Partido Popular contra a tramitación dunha Lei de Amnistía, obtívose o seguinte resultado:

1. **Votos a favor: (9)**, do grupo provincial do Partido Popular.
2. **Votos en contra: (8)**, sendo seis (6) do grupo provincial do PSG-PSOE e dous (2) do grupo provincial do BNG.



3. Abstencións: (0), ningunha.

A Comisión Informativa de Transparencia, Réxime Interno e Facenda, ditamina favorablemente a moción do grupo provincial do Partido Popular contra a tramitación dunha Lei de Amnistía, cos votos a favor das Deputadas e Deputados do grupo provincial do Partido Popular e cos votos en contra das Deputadas e Deputados dos grupos provinciais do PSG-PSOE e do BNG.

5. ROGOS E PREGUNTAS.

Non se produciron

E non habendo máis asuntos que tratar, pola Presidencia dáse por finalizado o acto, sendo as doce horas e dez minutos do día arriba sinalado, do que, como Secretario, dou fe.

O Secretario da Comisión
Asdo.: José Antonio Gulías Varela
(*Documento asinado electrónicamente ó marxe*)

